

Perform Europe poziv za kompanije koje se bave scenskim umjetnostima, umjetnike, kolektive, mjesta održavanja i festivale

Kompletne smjernice i kriteriji za prijavu za Perform Europe dostupni su na engleskom jeziku na [ovoj stranici](#).

Perform Europe je pilot-program koji finansira Evropska komisija. Cilj mu je podržati eksperimente kako bi turneje scenskih umjetničkih djela u zemljama Kreativne Evrope bile održivije i inkluzivnije. Pročitajte više [ovdje](#).

Trenutno se spremamo za početak testiranja programa dodjele bespovratnih sredstava za Perform Europe. To će se dogoditi u dva koraka:

1) **Prvi korak**, je da se **producenti** (umjetnici, kolektivi, kompanije i prezenteri koji su kreirali umjetničko djelo) i **prezenteri** (festivali, mjesta i druge organizacije koje nude kontekst prezentacije) prijavljuju da budu dio procesa kolektivnog učenja i umrežavanja programa Perform Europe koji podržava njegova digitalna platforma. **Poziv je detaljno opisan u nastavku i bit će otvoren za prijave 15. juna.** Kandidati, odabrani u ovom koraku, bit će pozvani da se pridruže drugom koraku postupka.

2) **Drugi korak**, podrazumijeva da će tokom i nakon učešća u procesu učenja i umrežavanja, kandidati oblikovati međusobna partnerstva, međusobno kreirati prijedloge za turneje i distribuciju i prijaviti se za grantove Perform Europe. Ukupan raspoloživi budžet je 1,5 miliona eura; Iznosi bespovratnih sredstava kretat će se između 10.000 i 100.000 eura. **Drugi poziv bit će objavljen krajem jula samo za one odabrane u prvom koraku** (vidi detaljniji vremenski okvir procesa prijave za Perform Europe na [web stranici Perform Europe](#)).

Prijava za prvi korak bit će otvorena od 15. juna do 7. jula na digitalnoj platformi Perform Europe. Budući da će ovaj prvi poziv biti otvoren samo tri sedmice, možete početi s pripremanjem već danas. Samo u nastavku dobijte bolji uvid o čemu se radi.

Koga tražimo u prvom koraku?

Organizacije i slobodni profesionalci koji:

- rade u scenskim umjetnostima: pozorište, ples, performans (uključujući amaterske performanse), cirkuska i ulična umjetnost. Imajte na umu da muzičke predstave uživo (uključujući operu ili mjuzikle) nisu obuhvaćeni programom Perform Europe, osim za muzičko pozorište.
- **za producente:** da imaju umjetničko djelo ili umjetničke inicijative koje bi željeli prezentirati u drugim zemljama - fizički, digitalno ili na mješoviti način, između oktobra 2021. i kraja juna 2022. godine;
- **za prezentere:** da imaju festival ili prostor ili drugi kontekst u kojem bi predstavili umjetničko djelo iz druge države između oktobra 2021. i kraja juna 2022. godine;
- imaju sjedište u nekoj od zemalja Kreativne Europe* (pogledajte cijeli popis na [ovoj stranici](#)) ili u Ujedinjenom Kraljevstvu;
- da imaju viziju o tome kako prekogranično saradivati kroz razmjenu resursa, primjenjujući pravednost i solidarnost;
- da već primjenjuju alternativne i inovativne prakse turneja i distribucije i mogu to demonstrirati, kao i oni koji
- su željni inoviranja svojih praksi i imaju viziju kako to učiniti, ali bi mogli imati previše ograničenja u realizaciji.

Posebno potičemo prezentere i producente koji su manje istaknuti u prekograničnom umjetničkom okruženju da se prijave za ovaj poziv. Pozdravljamo prijave žena, umjetnika i organizacija sa sjedištem u ruralnim područjima, onih koji su nepovoljnog socijalno-ekonomskog ili etničkog porijekla, identifikuju se kao LGBTQIA+ osobe, imaju invaliditet i bilo koje druge osobe koje se identifikuju kao dio nedovoljno zastupljene grupe unutar područja scenskih umjetnosti.

Šta će vas pitati u ovom prvom koraku koji se otvara 15. juna?

- Opće informacije o vašoj organizaciji;
- Opće informacije o vašem **umjetničkom radu/radovima (za producente)** ili vašem **prezentacijskom kontekstu - festivalu, mjestu održavanja, vanjskom prostoru - (za prezentere)**, za koji biste željeli da bude dio prijedloga za saradnju;
- Vaša vizija i ideje o održivim i inkluzivnim načinima donošenja umjetničkog rada ljudima i mjestima (400 riječi);
- Kako se vaš umjetnički rad/prezentacijski kontekst, koji je dio vaše prijave, uklapa u ovu viziju (250 riječi);
- Šta želite da postignete učešćem u partnerstvu koje pruža Perform Europe (250 riječi) i šta biste bili spremni podijeliti (vještine, znanje, novac, vidljivost, infrastrukturu, iskustvo itd.) (300 riječi)

Napominjemo da će se sve ove informacije zatražiti **na engleskom**.

Kako se možete prijaviti? Poziv će biti otvoren **15. juna 2021.** - pretplatite se na naš bilten da biste dobivali obavijesti. U međuvremenu se već možete pripremati tako što ćete razmišljati o gore navedenim tačkama, pa čak i predviđanjem drugog koraka prijave.

Više informacija o prvom koraku, drugom koraku i vremenskom okviru za Perform Europe možete pronaći na engleskom jeziku na [web stranici Perform Europe](#).